



Siverth K. Heilmann

UKA 2022/119

Atassut

11. Oktober 2022

**Kalaallit Nunaanni pinerluttulerinermi inatsisip allanngortinneqarnissaanut inatsimmut missingiutip (akuersissuteqaqqaarnissamik tunngavilimmik pinngitsaaliilluni atoqatiginninneq pillugu aalajangersagaq) Kalaallit Nunaanni Namminersorlutik Oqartussanit akuersissuteqarnissaq pillugu Inatsisartut aalajangiiffigisassaattut siunnersuut**

(Aatsitassanut Inatsisillu Atuutsinneqarnerannut Naalakkersuisoq)

Naalakkersuisut Kalaallit Nunaanni pinerluttulerinermi inatsisip allanngortinneqarnissaanut inatsimmut missingiutip, pinngitsaaliilluni atoqatigiinninneq pillugu qulequtarineqartumut imatut atassummiit oqaaseqarfigisavarput.

Inatsisissatut siunnersuut qulequtarineqartoq naalakkersuisullu naggasiinerminni oqariartuuteqarnerat pillugu paatsuunganarsinnaanera isertuutissanngilara, imatummi oqariartuuteqarmata “Suliassaqarfirmut nutaamik inatsisiliorneq allannguineramik pilersitsissappat, kinguaassiutitigut nammineq aalajangiisinnaatitaaneq qanoq isumaqarnersoq pillugu innuttaasunut paasititsiniaanissaq pingaaruteqartoq”

Aap Sverigimi aalajangersakkap assinganik eqqusisoqarneranut atatillugu, ingammik inuusuttunut ilinniartisineq paasissutissiinerlu iluatsilluarsimanerat tikkuarneqarpoq. Taamaammallu inatsit ator-tuulersinneqartinnagu, allannguutit pillugit paasititsiniaanerup aallartinneqarnissaa naalakkersuisut sulissutiginiarmassuk.

Kalaallit Nunanni pinerluttuliornermut inatsisissamik inatsisartutigoortumik allannguutissamik siunnersuummik suliaqarsimatilluta, aatsaat Folketing-imi inaarutaasumik akuersissutigivinnissaa tullinnguuttarmat.

Suliarli 16. November 2022-imi aappassaaneernejarnissaa siunniutaavoq, taamaattumik Atassummiit inassutiginnarusupparput ataatsimiititaliami susassaartumi peqqissaarullugu paatsuunganarsinnaasullu qulaajarneqarumaartut. Atassummiit ataatsimiititaliaq sulilluarnissaanik kissaap-parput.

Qujanaq.

